

Oni prvi, uvijek prvi

<"xml encoding="UTF-8?">

!...Želim biti

Došao neki čovjek Poslaniku, s.a.v.s, jedne prilike i reče: *"Allahov poslaniče, želim da te pitam nesto vezano za dunjaluk i ahiret"*. Poslanik mu odgovori: *"Pitaj sto god želiš"*.

"Allahov poslaniče, želim da budem najznaniji od ljudi!" *"Budi čestit prema Allahu, biti ćeš najznaniji"* - reče Poslanik.

"Želim da budem najimućniji čovjek". **"Budi skroman, biti ćeš najimućniji"** - reče Poslanik.

"Želim da budem najpravedniji čovjek". **"Želi drugima ono sto želiš samome sebi, bićeš najpravedniji"** - odgovori Poslanik.

"Želim da budem Allahu najbliži čovjek". **"Spominji često Allaha, biti ćeš Mu najbliži"** - reče Poslanik.

"Volio bih biti od onih koji uvijek čine dobro!" **"Čini ibadet Allahu kao da Ga vidiš, a ako Ga ne vidiš, znaj sigurno da On tebe vidi"** - odgovori Poslanik.

"Želim da upotpunim svoj iman". **"Lijepo se ponašaj, upotpuniti ćeš iman"** - reče Poslanik.

"Volio bih susresti Allaha zaštićen od grijeha!" *"Kupaj se i kad si čist (uzimaj gusul), sresti ćeš Allaha na sudnjem danu očišćen od grijeha"* - reče Poslanik.

"Želim da na sudnjem danu budem proživljen obavijen Allahovim nurom"?! "Nikom zulum ne čini, biti ćeš proživljen u Allahovome nuru" - reče Poslanik.

"Želim biti najplemenitiji čovjek"?! "Ne žali se stvorenjima na Allaha, biti ćeš najplemenitiji" - reče Poslanik.

"Želja mi je da mi se moj Gospodar smiluje"?! "Budi milostiv prema sebi i prema Allahovim stvorenjima, pa će ti se Allah smilovati" - odgovori Poslanik.

"Želja mi je da mi se smanje grijesi"?! "Čini istigfar Allahu, smanjitiće ti se grijesi" - reče Poslanik.

"Želim da mi se poveća rizk (nafaka)"?! "Budi uvijek pod abdestom, pa očekuj povećanje rizka" - reče Poslanik.

"Želja mi je da budem od onih koji su dragi Allahu i Resulu"?! "Voli ono što vole Allah i Resul, mrzi ono sto mrze Allah i Resul, biti ćeš jedan od takvih" - reče Poslanik.

“Želim biti siguran od Allahove srdžbe”?! “Ne srdi se ni na koga, biti ćeš siguran od Allahove srdžbe”- reče Poslanik.

“Želim da mi dove budu kabul”?! “Čuvaj se harama, kabul su ti dove”- reče Poslanik.

“Želim da me Allah ne osramoti pred svjedocima na sudnjem danu”?! “Čuvaj stidna mjesta, nećeš biti osramoćen pred svjedocima”- odgovori Poslanik.

“Želim da mi Allah pokrije sramote”?! “Pokrivaj sramote svoje braće, Allah će pokriti tvoje”- reče Poslanik.

“Kako da izbrišem svoje grijeh”?! „Suzama, bolešću i saburom”- reče Poslanik.

“Koje je dobro djelo najdraže Allahu”?! “Lijep ahlak, sabur u iskušenjima i zadovoljstvo sa Allahovim određenjem”- odgovori Poslanik.

“Koje je ružno djelo najmrže Allahu”?! “Loše ponašanje i škrtost”- reče Poslanik.

“Kako da obuzdam srdžbu”?! “Sadakom i čuvanjem rodbinskih veza”- reče Poslanik.

“Šta gasi dzeennemsku vatru”?! “Post”- odgovori Poslanik s.a.v.s